



欽定皇輿西域圖志

ル 5	五
104	
5	



欽定皇輿西域圖志卷之二目錄

圖考二

西域山脈圖

西域水道圖


藩屬

左右哈薩克部圖

東西布魯特部圖

霍罕安集延瑪爾噶朗那木干塔什罕部圖

拔達克山博洛爾布哈爾諸部圖



凡5
104
5

欽定皇輿西域圖志 卷二 目錄

所錄支
有物那

愛烏罕痕都斯坦巴勒提諸部圖

雷罕突魯瑪爾圖

東西赤魯特圖

大赤魯特圖

藩風


西紅水圖

西紅山圖

圖卷二

欽定皇朝西域圖志卷之二目錄

西域圖



欽定皇輿西域圖志卷之二

西域山脈圖說

大地羣山之脈。自西而東。其在中土。唐浮屠一行嘗論河山兩戒。謂北戒自三危積石。負終南。本應地脈之陰。東及太華。逾河。並雷首。底柱。王屋。太行。北抵常山之右。乃東循塞垣。至濊貊。朝鮮。南戒自岷山。蟠冢。負地脈之陽。東及太華。連商山。熊耳。外方。桐柏。自上洛。南逾江漢。攜武當。荆山。至於衡陽。乃東循嶺徼。達東甌。閩中是也。其在

西域自西南而東北。按其統宗起脈之處在西藏極西鄙之岡底斯山。直陝西西寧西南五千五百九十餘里。地勢由西南徼外以漸而高。至此爲極。

本朝康熙五十六年。遣使測量。以此處爲天下之脊。衆山之脈皆發於是。其分幹有四。向西北者爲僧喀巴布岡里木遜諸山。繞阿里而北。蜿蜒起伏。以趨西域。是謂葱嶺。葱嶺爲西域西南境。自葱嶺而東。分爲兩大幹。漢書謂之南北山。其南

山由今葉爾羌西之杭阿喇特達巴分支。經葉爾羌和闐南境。屬回部舊疆。由是綿亘而東。岡嶺連屬。經安西州南。又東至陝西肅甘涼三州南。又東南達於苦水堡。其東南一支。南包青海。又南爲庫爾坤。隨河水曲折而東。入陝西岷州界。繞渭水之南而東。爲武功太白太乙諸山。又東北達於太華。是卽一行所謂北戒。但當日不知從西域之南山。一脈分承。故直以三危爲北戒之首也。其北山由葱嶺分趨東北。循烏什阿

克蘇庫車之北。至於伊犁。乃折而東。又經迪化州之南。闢展之北。直走鎮西府哈密。東至於塔勒納沁鄂拉。總名天山。其間土名。隨地而異。蓋以百數。最著者曰木素爾鄂拉。曰汗騰格里鄂拉。曰博克達鄂拉。在古則曰白山。曰雪山。曰靈山。唐時又稱折羅漫山。是在北戒之北。東西綿亘西域境內。一行所未及推論者。自塔勒納沁鄂拉。折而西北。爲天山分幹。遠逾沙磧。是謂漠北之阿勒坦鄂勒。卽古金山。又爲漠北諸山之

祖。當西域之東北境。山分四支。延袤二千餘里。北一支入俄羅斯國。東一支。又東北一支。又東南一支。並入喀爾喀境。不詳載。其自阿勒坦鄂拉。西麓分支者。爲阿拉克鄂拉。博克達烏魯罕鄂拉。又一支爲奇喇鄂拉。阿爾察克鄂拉。西抵額爾齊斯郭勒東岸而止。其別自天山分支西北行者。一支控伊犁之北。爲博羅布爾噶蘇鄂拉。塔勒奇鄂拉。博羅和洛鄂拉。又折而東北行。經千有餘里。至塔爾巴噶台鄂拉。朱爾庫朱鄂

欽定皇輿西域圖志 卷二
拉東抵額爾齊斯郭勒西岸。又一支自伊犁郭勒北西北行。至庫隴奎鄂拉格登鄂拉。又一支自伊犁郭勒西北分支西行。經圖斯庫勒北。又一支經圖斯庫勒南。西北行至吹郭勒南。又一支亦西北行。經塔拉斯郭勒南。皆屬準部舊疆。爲天山北麓分支。尤一行所未及推論者也。故推究西域山脈。斷以西藏之岡底斯爲來龍。以中土之北戒諸山。漠北之阿勒坦諸山。爲南北兩大山之支幹。經絡方隅。井然明辨。今志西域


其山岡土石並詳山志各卷。而先爲備論其全勢之首尾。繪諸尺幅。俾世之談堪輿者有所考。往代中外未通。憑臆懸揣。端緒淆誤。漢武以南山爲崑崙。一行據三危爲經首。郭璞有云。名實相亂。莫矯其失。蓋自昔言之。我


國家德威廣被。西藏。青海。漠北。蒙古諸部落。凡在西域左右者。納土獻圖。久爲臣僕。今西域蕩平。殊方內附。爰得綜攬天下名山之全局。原其所自始。而究其所終極。一岡一阜。咸在階闕。顯坤

輿自然之條理。正千古積習之沿訛。猗歟盛哉。

其山岡土石並藉山志各登而式益詳備其冬
其山岡土石並藉山志各登而式益詳備其冬
其山岡土石並藉山志各登而式益詳備其冬
其山岡土石並藉山志各登而式益詳備其冬
其山岡土石並藉山志各登而式益詳備其冬
其山岡土石並藉山志各登而式益詳備其冬
其山岡土石並藉山志各登而式益詳備其冬
其山岡土石並藉山志各登而式益詳備其冬
其山岡土石並藉山志各登而式益詳備其冬
其山岡土石並藉山志各登而式益詳備其冬

西域水道圖





西域水道圖說

凡水發源。多從山出。山體所麗。地勢必高。因下而趨。四方無擇。以中國言之。西北多山。地最高。江河大瀆。溯源其間。順流循軌。勢同建瓴。東南地卑。衆流是匯。自上而下。理非奇詭。黑水南。弱水西。因地成勢。亦猶是矣。謂水東西流。爲性本如是。非灼然之論也。西域南北西三面。大山環繞。內外山麓。百泉競發。分流合流。各有歸宿。山內之水。莫大于羅布淖爾。山北之水。其大者在

東爲赫色勒巴什淖爾。其北爲烘和圖淖爾。次西爲額彬格遜淖爾。又西爲布勒哈齊淖爾。又西北爲巴爾噶淖爾。又西南爲圖斯庫勒。又西北爲和什庫勒。爲塔拉斯郭勒。是皆大澤。廣者周數百里。小亦數十里。宏深淳瀦。羣水所歸。蕃中往往目之爲海。羅布淖爾。在山內中央稍偏北。所受水有六。曰喀什噶爾達里雅。曰葉爾羌。曰斯騰。曰和闐達里雅。曰阿克蘇郭勒。曰木素爾郭勒。曰海都郭勒。喀什噶爾達里雅。發於正

西山內之哈喇庫勒。迤北兩水合流南注。自哈喇庫勒東行五百里許出山。又名雅滿雅爾。謂斯騰。又東會支河。合流而東千餘里。會於阿克蘇郭勒。葉爾羌。謂斯騰源於西南山內。三水合流。紆折而出山。分二道。東北流踰葉爾羌城。復合爲一。又南會支河。東北行千餘里。會阿克蘇郭勒。和闐達里雅。發於南山。同源異流。東爲玉龍哈什郭勒。西爲哈喇哈什郭勒。並北流。夾額里齊城行二百五十里許。又合流數百里。北注

於阿克蘇郭勒。阿克蘇郭勒源出北山。二水合而東流。爲托什干達里雅。經烏什之北。迤南至阿克蘇城南。於是呼木阿里克郭勒注之。過阿克蘇。又分爲二。並南入於喀什噶爾。三水交會處。統四水合流爲一。名塔里木郭勒。東行六百餘里。有木素爾郭勒者。發於北山。西南流。又折而東。其北哈布薩朗郭勒來會之。又東過拜。其北哈喇烏蘇會之。又東過賽喇木。其北赫色勒郭勒又會之。乃折而東南流。爲烏恰特達里雅。

過沙雅爾城北。其北額什克巴什郭勒會之。乃南入于塔里木郭勒。合流而東。爲額爾勾郭勒。行六百餘里。有海都郭勒。亦發於北山。承山北。裕勒都斯東西河水。併而南流。經哈喇沙爾城西。南入博斯騰淖爾。又醜而西。過哈勒噶阿璊之南。踰庫隴勒。復屈曲而南。入額爾勾郭勒。共趨於羅布淖爾。故山內之水。羅布淖爾爲大。其次則迤北之博斯騰淖爾。所受海都郭勒。上承裕勒都斯諸水。先會于是。盈科而達於羅布淖

爾。又次則正東敦煌縣西北之哈喇淖爾。源出南山東垂之蘇賴河。昌馬河。黨河。分道北流。復會而西流入焉。又次則額爾勾郭勒之北。一澤三名。中曰巴巴。東曰達巴噶爾德。西曰赫色勒庫勒。所受祇北山之塔什阿里克郭勒。羅布淖爾南。其水之大者。曰噶斯淖爾。南山諸水咸入焉。又西爲葉什勒庫勒。和闐克爾雅一河之所匯也。又西爲葉什勒庫勒淖爾。其源在南山。經薩納珠之西。東北流注之。所受亦祇一水。凡皆

無如羅布淖爾之大云。其北山之北。曰赫色勒巴什淖爾者。在哈喇莽奈鄂拉北一百里。其東布拉干郭勒。青吉勒郭勒。西流合注之。曰烘和圖淖爾者。直赫色勒巴什淖爾北可三百里許。其東南額爾齊斯郭勒。及左右支水。西北流合注之。曰額彬格遜淖爾者。直陽巴勒噶遜北百餘里。其源在天山北麓。呼圖克拜郭勒。瑪那斯郭勒等四水。併二道北入焉。曰布勒哈齊淖爾者。直噶順北。源亦出天山北麓。東有庫爾郭勒

金定皇朝西域圖志 卷二
濟爾噶朗郭勒。額布圖郭勒。三水北流合行。復西行注之。南有晶郭勒。東北流注之。西有鄂拓克賽里郭勒。北會數水。又南會庫色木蘇克郭勒。東流合注之。曰巴爾噶淖爾者。在伊犁西北五百里許。伊犁諸山。出泉以十數。彙而東流。又折而西。其東空格斯郭勒入焉。又西過伊犁之南。轉而西北流。是爲伊犁郭勒。其北境則有察罕烏蘇。阿里瑪圖郭勒。策集郭勒。薩瑪勒郭勒。奎屯郭勒之水。暨南境諸河並入焉。又折而東


北以入於巴爾噶淖爾。曰圖斯庫勒者。在阿克蘇踰山而北。伊犁踰山而西南。形圓若鏡。四周支水三十餘道。並入焉。分流西北行者爲吹郭勒。南會支河以十數。入沙磧瀦爲和什庫勒。和什庫勒者。吹郭勒西北流會入處也。塔勒斯郭勒者。額得墨克諸郭勒西北流會入處也。由是而西爲那林郭勒。入安集延諸部。西流入於達里岡阿鄂謨。又西有騰格斯鄂謨。博大容蓄。蓋所謂西海者也。其餘山泉濬發。細流小澤。隨處

而有難以悉紀。紀西域之水之大者如此。爲之討源竟委。總覽全局。依山而出。就下而趨。四方分流。豈有擇於東西哉。而土脈崇厚。不虞泛溢。瀕水之區。資其灌溉。種藝滋豐。今者廣闢耕屯。沃野萬里。詳求水利。沾被益多。班固之言曰。于闐之西水皆西流。注西海。其東水東流。注鹽澤。雖語焉不詳。而大槩頗得。固又稱鹽澤潛行地下。南出於積石。爲中國河。水經因之推溯河源。論者疑爲荒渺。今萬國朝宗。極陬履勘。河水伏


流。說非無據。後儒送難。祇益荒誣。酈道元謂六合之內。其苞遠矣。自不登兩龍於雲轍。騁八駿於龜途。等軒轅之訪百靈。方大禹之集會計。儒墨之說。孰能使辨。在當日固宜有是言矣。

聖之靈應顯赫於當日固宜其最著矣
 然靈應之神驗亦非百靈式大禹之集會指歸
 合之內其遊靈矣自不登兩嶺然靈應與入
 靈顯非無神驗益益靈應益靈顯益靈顯六

左
 司
 哈
 薩
 克
 圖





左右哈薩克部圖



右哈薩克界

伊犁西北境界








左右哈薩克部圖說

哈薩克處西域之西北境。其地遼曠綿邈。鮮城郭官室。畜牧爲業。寇鈔爲資。倏忽往來。不常厥處。揆其形勢。左部羣山四抱。山泉濬發。迴環合沓。頗占形勝。右部西踰沙磧。長河亘帶。視左部爲尤荒遠。以今證古。左部當屬康居之舊壤。右部已涉大宛之北境。聲教素隔中朝。我國家武烈布昭。風聲遐聽。自昔阻絕之境。胥顛顛焉。頰首內面。豈惟遣侍子倚都護之。眈眈者歟。

東西布魯特部圖







東西布魯特部圖說

東西布魯特。附天山葱嶺而居。言語服飾。與山南諸部異。逐水草。事遊牧。舊介準噶爾。哈薩克之間。視其興衰。以爲叛服。不常所屬也。東西部境地鄰接。由喀什噶爾北行。經鄂什踰山。則正其錯壤處。那林河源出焉。嗣是東西經流五百里。盡布魯特北界而止。北與安集延諸部接。在古則烏孫昆莫。西走月氏之地。漢書稱大月氏西君大夏。塞王南君罽賓。塞種往往分散爲數

霍罕安集延瑪爾噶朗那木
干塔什罕諸部圖





霍罕安集延瑪爾噶朗那木干塔什罕諸部圖


說

漢自北道西踰葱嶺出大宛。今霍罕諸部當葱嶺西北麓。北與右部哈薩克接。應屬漢大宛地。史記稱大宛屬邑大小七十餘城。今自霍罕左右諸部。北抵右哈薩克境內。城堡星羅。與游牧逐水草者殊異。固即大宛土著舊俗也。考諸部方位。安集延最東。其西為瑪爾噶朗。為霍罕。北為那木干。又西為塔什罕。貳師遺跡。宜在于此。



顧當時天馬蒲萄。貴所難得。艷稱史乘。茲則中外一家。貢琛獻費。非極慕義歸仁之至者歟。


雪罕突業莎淑爾御帳雅木干染竹罕滿格圖
爾西此其此典亦給會給京對理風其大京
斯自此其西創慈給出大京今雪罕滿格當
編

拔達倉山博滿爾不哈爾諸部圖



拔達克山博洛爾
布哈爾諸部圖








拔達克山博洛爾布哈爾諸部圖說

蔥嶺之中。岡巒迴互。其間部落錯處。史傳稱爲山居田石間。累石爲室。民接手飲者。往往而是。拔達克山部。居蔥嶺中最東境。博洛爾近鄰東鄙。於漢當統爲烏秣國。布哈爾介其西。於漢當爲難兜國。唐於蔥嶺置守捉。爲極邊戍。宜在此間。元史西北地附錄。舊載有巴達哈傷。明史舊載八答黑商。爲拔達克山對音之訛。茲俱更正。卽可證其爲故墟也。由其地東北行近葉爾羌。

愛烏罕痕都斯坦
巴勒提諸部圖





愛烏罕痕都斯坦巴勒提諸部圖說

由拔達克山西南行。有部曰愛烏罕。東南爲痕都斯坦部。俱蔥嶺外大國。又東爲巴勒提。漢時南道西踰蔥嶺出大月氏。大月氏南與罽賓接。與今愛烏罕痕都斯坦諸部方位適合。境內崇山四圍。長河襟帶。濱河城堡。碁布星列。自拔達克山內附後。旣聞

聖天子威德。先後傾心內面。無藉尺書寸刃之勞。而琛玉偕來。頓顙受命。惟恐後時。非向化之誠而

能然歟。痕都斯坦東境。直西藏之西。愛烏罕西境濱海。為西域極西徼云。

山... 與今... 南... 山... 愛烏罕...

欽定皇輿西域圖志卷之三目錄

圖考三

歷代西域圖

前漢

後漢

三國

晉

北魏

周

隋

唐

五代

宋

元

明


皇朝西域圖


圖卷三

欽定皇朝西域圖志卷之三目錄


歷代西域圖

歷代西域圖
前漢







晉




周



隋




唐








五代




宋



元





歷代西域圖說

歷代史傳考西域者。莫詳於漢唐。而道里遠近。則班傳尤備。東自玉門。西訖蔥嶺。天山南北諸國。方位較然。三國以還。雖諸部強弱。分併不一。而疆圉之廣狹。可推。若其山水形勢。則古今莫之能易也。茲繪歷代西域圖。其周袤大概。以皇輿西域爲準。自兩漢以下。得圖共十有二。定其山川方位。次其列國相距道里。率權輿漢書。及歷代正史。雖沿革靡常。而崖略可睹。此二萬餘里

中。考諸前代。多有風教不通之境。雖漢唐之經營開置。而或僅遣使一至。或但遙設州府。其間時絕時通。總不入幅幘之內。爰撫前史。統論西域之大略。附諸篇末。以資考証云。

史記大宛傳張騫使月氏。經匈奴。身所至者大宛。大月氏。大夏。康居。而傳聞其旁大國五六。具爲天子言之。是後天子數問騫大夏之屬。以騫爲中郎將。使烏孫。分遣副使使大宛。康居。大月氏。大夏。安息。身毒。于窰。及諸旁國。騫還。烏孫乃

益重漢。其後歲餘。騫所遣使通大夏之屬者。皆頗與其人俱來。於是西北國始通於漢矣。

杜佑通典自張騫開西域之迹。其後霍去病擊破匈奴右地。降渾邪休屠王。遂空其地。始築令居以西。初置酒泉郡。後稍發徙人充實之。分置武威。張掖。燉煌。列四郡。據兩關焉。自李廣利伐大宛之後。西域震懼。多遣使來貢獻。於是東自燉煌。西至鹽澤。往往起亭障。征和中。搜索都尉桑宏羊。與丞相御史奏言。故輪臺以東。捷枝渠

黎皆故國地。廣饒水草。有溉田五千頃以上。處
溫和田美。可益通溝渠。種五穀。與中國同時熟。
田一歲有積穀。募民壯健。有累重。敢徙者。詣田
所。就畜積爲本業。益墾溉田。稍築列亭。連城而
西。以威西國。詔不行。昭帝時。用桑宏羊前議。以
給使外國者。至宣帝。遣衛司馬。使護鄯善。以西
數國。破姑師。分以爲車師前後王。及山北六國。
時漢獨護南道。未能盡并北道也。神雀三年。匈
奴日逐王來降。護鄯善。以西使者鄭吉迎之。乃

因使求并護北道。故號曰都護。于是徙屯田于
北胥鞬。都護督察烏孫。康居諸外國。理烏壘城。
於西域爲中。故治焉。至元帝復戊巳二校尉。屯
田車師前王庭。哀平間。自相分割爲五十五國。
凡國自侯王將相以下。佩漢印綬。凡三百七十
六人。而康居。大月氏。安息。罽賓。烏弋之屬。皆以
絕遠。不在數中。其來貢獻。則與相報。不督錄總
領也。至王莽時。四邊擾亂。與中國遂絕。並復役
屬匈奴。後漢永平中。匈奴乃脇諸國共寇河西

郡縣。明帝命將北征匈奴。取伊吾盧地。置宜禾都尉。以屯田。遂通西域于闐諸國。西域自絕六十五載。乃復通焉。明年始復置都護。戊巳校尉。章帝時焉耆龜茲攻沒都護陳睦。匈奴車師圍戊巳校尉。乃迎還校尉。不復遣都護。罷屯田。匈奴因遣兵守伊吾地。時軍司馬班超留于闐。綏集諸國。和帝永元初。竇憲大破匈奴。因遣副校尉閻槃擊伊吾。破之。三年。班超遂定西域。因以超爲都護。居龜茲。復置戊巳校尉。於是五十餘

國悉納質內屬。其條支安息諸國。至於海濱四萬里外。皆重譯貢獻。九年。班超遣椽甘英窮臨西海而還。安帝初。西域背叛。頻攻圍都護。任尙段禧等。遂罷都護。棄西域。北匈奴卽復收屬諸國。共爲邊寇。十餘載。元初中。置護西域副校尉。居燉煌。羈縻而已。其後匈奴連與車師入寇河西。漢不能禁。延光二年。以班超子勇爲西域長史。將五百人。西屯柳中。勇遂破平車師。自建武至於延光。西域三絕。復通。順帝永建二年。勇復

擊降焉者。于是龜茲、疎勒、于闐、莎車等十七國皆來服從。而烏孫蔥嶺以西遂絕。六年，帝以伊吾舊膏腴之地，復令開設屯田。如永元時事。置伊吾司馬一人。陽嘉以後，朝威稍損，諸國驕放，轉相陵伐。自魏及晉，中原多故，西域朝貢不過三數國焉。至後魏太武帝使董琬使西域，於是貢獻者十有六國。隋煬帝時，遣侍御史韋節、司隸從事杜行滿，使于西蕃諸國，復令裴矩于武威、張掖間往來，以引致之，皆啗以厚利，轉相諷

諭。大業中來朝者三十餘國。帝因置西戎校尉以應接之。伊吾車師爲西域門戶，漢帝與匈奴爭其地，以制西域。至隋伊吾有商胡雜居，勝兵千餘人，附于鐵勒，人甚驕悍，厥田良沃。隋末內屬，置伊吾郡，後又臣突厥。

按通典西戎總敘，上自西漢，下逮唐初，頗稱賅備。文獻通考因之，未經續輯。今錄本文至隋止。其自唐迄明，根據史傳，補撰事蹟，列於左方。

唐興突厥強盛。西域諸國多役屬。武德中來朝。貢者高昌龜茲等十數國。貞觀四年太宗擒突厥頡利。伊吾城長舉七城以獻。以其地爲西伊州。九年疏勒內附。置疏勒都督府。高昌王麴文泰與西突厥通。共擊伊吾。壅掠朝使。又與西突厥乙毗設破焉耆三城。十三年乃拜侯君集爲交河道大總管。討之。十四年文泰子智盛降。遂俘以歸。披其地皆爲州縣。號西昌州。尋改西州。更置安西都護府。初文泰厚結西突厥欲谷設。

約有急爲表裏。高昌平欲谷設亦來降。以其地爲庭州。後置北庭大都護府。君集之討高昌也。遣使與焉耆相聞。其王龍突騎支引兵佐唐。後與西突厥相約。爲輔車勢。不朝貢。十八年命安西都護郭孝恪爲西州道總管。伐焉耆。執突騎支歸。更立其弟粟婆準。而從兄薛婆阿那支自爲王。號瞎千。執粟婆準獻龜茲。龜茲殺之。是時龜茲王訶黎布失畢。方臣西突厥。先嘗遣兵與焉耆影援。拒郭孝恪兵。頗貳於唐。帝怒其佐焉。

者叛而擅殺粟婆準也。二十一年以阿史那社
朮爲崑邱道大總管。討龜茲焉耆王阿那支佐
龜茲社朮禽斬以徇。復立突騎支弟婆伽利爲
王。以其地爲焉耆都督府。社朮進攻龜茲。二十
三年俘龜茲王及其相那利。將羯獵顛。西域震
懼。于闐王伏屠信亦入朝。社朮立龜茲王弟葉
護王其國。始徙安西都護于其都。統于闐。碎葉。
疏勒。號四鎮。高宗立。復封訶黎布失畢爲龜茲
王。與那利。羯獵顛歸國。後王來朝。還。羯獵顛拒

不納。遣使降賀魯。詔左屯衛大將軍楊胄發兵
禽羯獵顛。以其地爲龜茲都督府。尋徙安西都
護府于其國。以故安西爲西州都督府。時顯慶
三年也。初太宗立西突厥利娑咥陸可汗。其族
人步真率處月等入朝。步真之弟彌射亦歸國。
其留者咄陸。以賀魯統之。及賀魯降。置瑤池都
督府。永徽初。賀魯反。寇庭州。廢瑤池都督府。卽
處月地。置金滿沙陀二州。皆領都督。顯慶二年。
伊麗道行軍大總管蘇定方討禽賀魯。裂其地

爲州縣。以處諸部。於是西域平。詔許敬宗與史官譔西域圖志。龍朔元年。西域遣使內屬。乃分置十六都督府。於吐火羅國所治。遏換城。置月氏都督府。以其王葉護之部內。分置二十四州。都督統之。咸亨元年。吐蕃入殘。羈縻十八州。安西四鎮並廢。詔右威衛大將軍薛仁貴爲邏娑道大總管。討吐蕃。敗績。上元初。于闐國王來朝。擊吐蕃有功。帝以其地爲毗沙都督府。長壽元年。武威道總管王孝傑破吐蕃。復四鎮。置安西

都護府於龜茲。以兵鎮守。元宗開元中。安西節度使湯嘉惠表以焉耆備四鎮。詔焉耆龜茲疏勒于闐。征西域賈。各食其征。由北道者輪臺征之。時小勃律王沒謹忙。迫吐蕃。數爲所困。吐蕃曰。我非謀爾國。假道攻四鎮爾。北庭節度使張孝嵩救之。大破吐蕃。沒謹忙三傳至蘇。失利之。爲吐蕃陰誘。妻以女。故西北二十餘國。皆臣吐蕃。貢獻不入。安西都護三討之。無功。天寶六載。詔副都護高仙芝伐之。吐蕃不能救。遂平其國。

於是西域諸胡七十二國皆震恐歸附。以小勃律國置歸仁軍。十載。仙芝劾石國王無蕃臣禮。請率兵討。王約降。仙芝遣使者護送。俘斬闕下。西域咸怨。王子走大食。乞兵攻怛羅斯城。敗仙芝軍。自是臣大食。初。諸蕃內屬。卽其部落。列置州縣。大者爲都督府。以其首領爲都督。皆世襲。貢賦版籍。多不上戶部。號曰羈縻州。凡西域諸國內屬。隸隴右道者。爲府五十一。州百九十八。安史之亂。其地漸次沒於吐蕃。迨貞元三年。安

西北庭陷。隴右州縣盡矣。大中五年。沙州人張義潮。以瓜沙伊肅等十一州縣來歸。而宣懿德微。不暇疆理。惟名存有司而已。五季迭興。綱紀自紊。遠人慕義。無所適從。晉天福三年。于闐國王李聖天。嘗遣使一至。而突厥沙陀烏孫回鶻。轄戛斯高昌于闐諸部。亦服屬於遼。宋有天下。河内外地悉屬西夏。與西域睽阻。若天竺于闐回鶻高昌龜茲等國。筐篚偶通。聲教不訖。南渡後益濶絕焉。元太祖肇迹北方。蕩平西域。盡以

諸王駙馬為之君長。前代國名。易蒙古語。蓋始諸此。明初既定陝西。太祖命將守嘉峪關。永樂二年。諸蕃遣使貢馬。其地設沙州。哈密。赤斤。罕東。阿端。曲先。安定。諸衛。封哈密舊王昂克特穆爾。舊名安克帖木兒。為忠順王。兄子托都。舊名脫脫。襲諸國事。土爾番酋長亦先後入貢。厥後浸強。侵有火州。柳城。入據哈密。朝廷屢求忠順王族裔。俾主哈密。三立三絕。迄不能復興。正統中。沙州衛最先廢。諸衛亦漸不立。肅州遂以多事。其土爾番

西諸國。太祖嘗遣招諭。罕有至者。成祖時。西域之使凡數輩。諸蕃貢使始通。終明之世。凡貢道由嘉峪關入。其畧可考者。賽瑪爾堪等國。僅以奉貢通名朝右者。哈三等部。然蕃商貪中國財帛。且利市易。率詭稱貢使。真偽既莫可辨。即所稱部落諸名。殆無足深考也。統觀歷代經營西域之蹟。大率詳于山南而畧於山北。如漢之都護校尉。唐之四鎮。俱在山南。猶且戶口不登于天府。貢賦不入于司農。聊示羈縻之方。曾無開

置之實。至山北諸境。漢張騫僅獲一履其地。唐雖遙置都督諸州。亦復名存實去。有元西北疆域稍廣。然考元史西北地附錄。紀載弗詳。規為未備。惟我

聖朝德業鴻遠。舉從古未撫之西域全境。并牧其地。而冠裳其民。設官定賦。與赤縣神州相比埒。是不惟創建非常之原。而大荒以西。不啻鴻濛之開闢矣。豈非極覆幬之無外。為曠古所莫及者歟。

欽定四庫全書

欽定皇輿西域圖志卷之三

